

**Fraccion di MEP
MEP A ENTREGA MOCION PA INSTRUI
MINISTER DI FINANSAS PA PERCURA
CU AUMENTO DI SUELDO MINIMO NO
CONDUCI NA AUMENTO DI COSTO DI BIDA**



WWW.SOLODIPUEBLO.COM



SOLODIPUEBLO@GMAIL.COM

Parlamentario Endy Croes:

**MIKE, GERLIEN Y GEOFFREY
A TRAPA RIBA ACUERDO
DI IPKO Y E DERECHONAN
FUNDAMENTAL DI
DEMOCRACIA!**



Parlamentario Dangui Oduber:

**SIN CONSULTA CU
PARLAMENTO GOBIERNO E
ENTREGA NOS AUTONOMIA!**



Parlamentario Rocco Tjon:

**UN PARO NA E PROYECTO DI EX-CODEMSA
TA UN SEÑAL CLA CU MINISTER DOWERS
NO KIER INVERTI DEN HUSTICIA!**



Awo cu 2 florin mas, bo por gana e MEGA PLUS

***Afl. 1.325.000,-**

***Afl. 875.000,- + Afl. 450.000,-
extra**

Benta ta sera 7:30 pm y sorteo ta hunga 7:45 pm



HUNGA AWO



Parlamentario Xiomara Maduro:

PA PROME BIAHA ARUBA TIN UN MINISTER DI RELACION DI REINO Y DEN SU PROME SALIDA TA ENTREGA AUTONOMIA DI ARUBA

Anto na vispera di 40 año di Status Aparte di Aruba



Un grupo grandi na Aruba tabata tin expectativa grandi ora a mira cu AVP FUTURO a bin cu un Minister di Relacion di Reino. E grupo ey a kere cu e mandatario lo a dedica su mes pa splica con e relacion di Aruba ta cu Hulanda, y cu lo a defende e autonomia di Aruba den Reino Hulandes. Sinembargo, grandi e sorpresa tabata ora cu diabierna siman

pasa, Rijksministerraad na Hulanda a bay di acuerdo cu un Rijkswet cu e gobierno di AVP FUTURO a manda pa nan, tras di lomba di Parlamento y Pueblo.

Sin bisa Pueblo nada, e ministernan di AVP FUTURO a yega na un deal cu Hulanda cu ta mina autonomia di Aruba.

Di e manera aki a bira bisto cu e Minister di Relacion di Reino, Gerlien Croes, den su prome salida, a entrega e autonomia di Aruba cu tanto e Pueblo Arubano a lucha pe.

Sigur na vispera di e celebracion di 40 año di Status Aparte di Aruba den Reino Hulandes, esaki ta un bofta y un baño di awa friu pa Pueblo di Aruba.

CELEBRACION DI 65 AÑA DI AOV Y COMPROMISO CU NOS GRANDINAN



Diabierna mainta dilanti Bestuurskantor, a tuma luga un ceremonia special pa celebra e di 65 año di existencia di e ley di AOV. Esaki a sosode entre ministernan, invitadonan, director di SVb y cu comunidad via e diferente plataformanan social. Minister President mr. Mike Eman a hiba un discurso, den cual a recorda e balor y sacrificio di esnan cu no ta cu nos mas y cu ta esnan cu a

aporta for di inicio na e fondo di SVb.

Un concepto di bida cu tin un sentido di solidaridad di uno pa cu otro. Den e modelo di SVb, esnan cu ta traha awe, ta paga pa esnan cu a traha ayera, pa asina garantisar cu entre famianan, entre ciudadanonan tin un sentido permanente di responsabilidad pa cu esnan cu a bay prome cu nos y na mes momento pa

esnan cu ta bin despues di nos.

E ley di pensioen cu nos antepasadonan a pensa, diseña y percura cu awe por tin un pensioen pa tur nos grandinan. Algo cu sigur ta bale la pena pa celebra.

E ley di pensioen ta algo cu ta evalua cada pasa un tempo pa garantisar un existencia basico pa varios generacion.

Premier Eman a tuma momento tambe pa recorda e prome prome Minister President di Pais Aruba, Henny Eman cu na 1994, hunto cu Centraal Bureau Statistiek (CBS), a haci e prome estudio riba bestaansminimum na Aruba, pa asina por a comproba cu e pensioen di nos



grandinan tabata mucho abou.

“Danki Henny pa e trabou na nos comunidad: Basa riba e estudio aki a redobla e pensioen di nos grandinan den su periodo na cabes di gobierno. For di e evaluacionnan aki, gobiernonan (di cualkier indole politico) ta sinta cu SVb y ta haci ahustenan continuo y percura pa e cumplimento cu e fondo, locual ta haci cu awe tin

un AOV fuerte. Prome Minister Eman a gradici director di SVb Edwin Jacobs y su liderazgo, caminda decisionan grandi, importante y fundamental ta tuma luga ora reforma e fodno di AOV, y cu awe e ta asina fuerte cu reserva.

E no ta solamente un celebracion di 65 año di un ley, pero un celebracion di un compromiso cu nos sociedad a haci cu nos grandinan.

Fraccion di MEP

MEP A ENTREGA MOCION PA INSTRUI MINISTER DI FINANSAS PA PERCURA CU AUMENTO DI SUELDO MINIMO NO CONDUCI NA AUMENTO DI COSTO DI BIDA



motie no.1
Fractie MEP
OV# 27, d.d. 1 sept 2025, voortzetting

STATEN VAN ARUBA
Ingek: 01 SEP 2025
Volgnr: IS/1195/24-25

STATEN VAN ARUBA
m.b.t. OLV# 1025

MOTIE
van de Statenlid mw. mr. Evelyn Wever-Croes van de Fractie M.E.P.

De Staten van Aruba, in een Openbare Vergadering no. 27 d.d. 27 augustus 2025 inzake 'Ontwerp-landsverordening tot wijziging van de Landsverordening minimumlonen ter invoering van het minimumuurloon (invoering minimumuurloon) (IS/177/24-25, d.d. 12 november 2024) (Z.J. 2024-2025-1025)', opgeroepen door de voorzitter der Staten, dhr. A.M. Sneek.

Overwegende dat:

- het verhogen van het minimumloon bijdraagt aan sociale rechtvaardigheid en een menswaardig bestaan voor werkenden;
- het bedrijfsleven, en in het bijzonder het kleinbedrijf, zorgen heeft geuit over de stijging van salariskosten en de mogelijke doorberekening hiervan aan de consument;
- de noodzakelijke verhoging van het minimumloon niet mag leiden tot een extra financiële belasting voor de consument, noch tot onhoudbare lasten voor het kleinbedrijf;

Besluiten:
Dragen de regering, in het bijzonder de Minister van Financiën, op:

1. Om in overleg te treden met vertegenwoordigers van het bedrijfsleven, werknemersorganisaties en andere relevante stakeholders;
2. Te komen met een pakket van compenserende maatregelen, niet zijnde belastingverlaging, ter verlichting van de lasten voor bedrijven, met bijzondere aandacht voor het kleinbedrijf;
3. Te waarborgen dat de verhoging van het minimumloon niet leidt tot onevenredige prijsstijgingen voor consumenten;
4. De Staten hierover uiterlijk binnen drie maanden te informeren.

En gaat over tot de orde van de dag.

ORANJESTAD – Dialuna ultimo, durante un reunion den Parlamento, Fraccion di MEP a entrega un mocion pa loke ta trata e aumento di sueldo minimo pa trahadonan. Fraccion di MEP ta considera e aumento aki un paso necesario pa husticia social y pa combati pobresa. E proposicion aki ta conta cu sosten amplio, aunke cu tin preocupacion pa cu esaki tambe, especificamente cu e extra gasto salarial por conduci na un aumento den prijs di productonan. Esaki ta un factor grandi specialmente pa e empresarionan chikito, cu lo bay hayanan ta subi nan prijsnan pa por cubri e extra gasto aki, causando asina un perdida den e poder di compra pa e consumidor.

Cu e mocion aki, fraccion di MEP ta instrui e Minister di Financiën, pa tene dialogo cu empresarionan y organisacionnan di trahadornan. Lo ta bon pa traha un pakete compensatorio pa asina duna sosten na e empresanan chikito evitando asina cu e consumidornan lo wordo afecta.

Un posibel medida compensatorio ta subsidionan dirigi, por ehempel subsidio temporal pa gasto di salario pa empresa chikito, of ayudo pa sectornan cu ta depende hopi di trabou intensivo (por ehempel horeca, comercio chikito). Tambe subsidionan pa innovacion y productividad (digitalisacion, sostenibilidad, entrenamiento). Otro sugerencia pa medida di sosten adicional ta entrenamiento y formacion financia pa gobierno pa aumenta productividad. Fraccion di MEP ta sugeri

tambe pa busca mas cooperacion cu sector priva pa cumpra hunto y haña bentaha di escala. Principalmente un paso importante ta monitoreo di prijs pa evita subida di prijs exagera pa consumidor. Pa fraccion di MEP, aumento di sueldo minimo mester wordo implementa den un forma husto y sostenibel. Cu subsidionan dirigi y medida di apoyo adicional, nos ta proteha empresa chikito y conserva poder di cumpra di e consumidor.



TRABOU DI MANTENCION DEN TRANSFORMATORSHUIZEN NA BARCADERA
Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diaranson, 3 di september 2025
8:30 AM te cu 3:30 PM

Den vecindario di:
• Barcadera (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.


Danki pa e comprension.



ELMAR



MUSEO ARQUEOLOGICO NACIONAL ARUBA TA RICIBI PRESTIGIOSO RECONOCIMIENTO PA CONSERVACION HISTORICO



Leisa Collins, un artista reconocí di Estados Unidos kende ta enfoca riba pintamento di edificionan historico, a entrega su ultimo premiacion yama ‘Premio Leisa Collins pa Conservacion Historico’ na director interino di Museo Arqueologico Nacional Aruba (MANA), Pancho Geerman riba 28 di augustus 2025. E premio aki ta un reconocimiento pa e contribucion espectacular di e museo na conservacion historico y cultural di Aruba y pa e servicio educacional cu ta enrikese

Aruba y su bishitantenan internacional.

E reconocimiento ta un pintura original di Collins traha cu pen y verf di awa den un leishi. E pintura ta ilustra e compleho di edificionan di MANA. Esaki ta inclui e mansion Cas Dundun (1929), Casnan di Cunucu (rond di 1867 y 1870) restaura y structuranan moderno.

Pasaheronan di e crucero Freewinds ta fortuna di por pasa tempo na Aruba y asina artista Collins a describi MANA

explorando Playa. E artista ta expresa:

“Mi tabata sumamente impresiona cu e atraccion visual vibrante y contraste arkitectonico di e compleho Ecury restaura. E historia di e famia bon conoci Ecury a intriga mi. Una bez den e museo, mi tabata fascina cu e viviendanan reconstrui, e presentacionnan multimedia y actividadnan interactivo. Mi a bishita hopi museo similar na diferente parti di mundo, pero e museo Arubano aki ta sobresali den su manera pa involve y enrikese”. E reconocimiento ta e di 15 premio pa Conservacion Historico, di tempo cu a ser lansa na 2013. E ta un manera pa duna bek na persona y organisacion cu ta ‘ehemplar’ pa conservacion historico y cultural’.

Collins ta un di e artistanan mas productivo di Estados Unidos cu ta biaha hopi y a crea pinturanan di cas y edificionan historico di tur 50 estado di e pais aki. 650 di su obranan di arte – como tambe nan storianan interesante – ta den su publicacion “Hand-Painted Homes: An Architectural Artist’s Pen and Watercolor Journey Across America”.

Collins su trabou a ser imprimi den diferente publicacion manera The New York Times, Huffington Post y Los



Angeles Times. Pa motibo di su capacidad pa detaye, respet profundo y curiosidad pa e storianan tras di cada edificio historico, Collins ta haya hopi encargo pa retrata casnan.

Collins ta comenta: “Mi mision ta pa conserva comunidnan y cultura pa medio di mi arte. Una bez cu un edificio historico cu su storia cultural a ser destrui e ta perdi pa semper. Mi meta ta pa crea un legado cu ta conta e storianan aki cu cada rastro di penseel. Di e forma aki futuro generacionnan por balora tesoronan arkitectonico y cultural cu ta rondona nos, y mas importante balora e hendenan cu a traha nan”. E museo arkeologico di Aruba a ser lanta na 1981 y a reubica na e localidad actual y a habri pa publico na 2009 como Museo Arqueologico Nacional Aruba. E tin un coleccion impresionante di mas di 10.000 piesa di cua un parti ta exhibi permanentemente. E

exposicion permanente ta conta historia di Aruba di periodo Arcaico (+/- 1500 prome cu Era Actual), di periodo Ceramica/Caquetio y di periodo Post Contacto Europeo/Historico. Materialnan exhibi ta di cocolishi, piedra, ceramica y glas. Nan ta expresa aspectonan di bida diario y ta refleha un red di comunicacion entre Aruba, Sur y Centro America y Europa. Algun di e elementonan ‘Wow’ den MANA ta e deramento indigena, arte cu ta complementa e temanan presenta, actividadnan interactivo y exposicionnan temporario.

Pa mas informacion di e artista y e premio Leisa Collins pa Conservacion Historico consulta su website www.leisacollins.com of e link <http://leisacollins.com/the-artist/leisa-collins-historic-preservation-award/>. Tambe por tuma contacto via email leisa@leisacollins.com.

Parlamentario Endy Croes:

Traidor di Patria ta keda un palabra chikito!

MIKE EMAN GERLIEN CROES Y GEOFFREY WEVER A TRAPA RIBA ACUERDO DI IPKO Y E DERECHONAN FUNDAMENTAL DI DEMOCRACIA!

Parlamentario Endy Croes na un manera basta idigna ta splica cu Mike Eman, Gerlien Croes y Geoffrey Wever di Gabinete Eman Croes Wever a trapa formalmente riba un acuerdo di IPKO y a falta tur clase di respet pa Democracia di nos pais. Acuerdo elegante cu a logra den IPKO pa ora trata cu Consensus Rijkswet:

Como cu e tema Rijkswet ta uno delicado y cu ta lanta hopi emocion, despues di hopi debate riba e nivel di Parlamentonan di Hulanda, Aruba, Corsou y St Maarten a logra yega na un palabracion hopi elegante September 2022 durante reunionnan di IPKO.

Acuerdo na punto 1 ta skirbi comotal:

‘De regeringen van de caribische landen zouden met inachtneming van het dualisme vooraf en in het hele vervolgproces moeten nagaan of er voldoende steun in hun

Parlamenten bestaat om te komen tot een consensusrijkswet. Over de aan of afwezigheid van voldoende steun zouden Nederlandse parlementariers en Statenleden elkaar in ieder fase van het totale wetgevingsproces actief RIA informeren’.
Acuerdo na punto 3 ta skirbi comotal:

‘Eerlijk en open onderhandelingen, alsmede transparantie, dialoog en continuïteit in de informatie voorziening zijn belangrijk gedurende het hele proces, in het bijzonder wanneer een mogelijk beroep op de waarborgfunctie ex art 43 lid 2 Statuut aan orde zou kunnen komen. (Het waarborgen van vrijheden, rechtzekerheid, en deugdelijkheid van bestuur is aangelegenheid van het Koninkrijk)’.

Gerlien Croes, Mike Eman y Geoffrey Wever a actua di malafe:



Gerlien Croes a forma parti di reunionnan di IPKO September 2022 y ta altura e tempo aya como Parlamentario di e “acuerdo” aki riba menciona cual ta alivia cualkier negosacion di cualkier posibel ‘Rijkswet’. Pues promer cu Gobierno yega na un Consensus pa un Ley di Reino mester percura pa tur partidonan sigur Parlamento di dicho pais ta di acuerdo y ta sostene un Ley di Reino

promer cu e Gobierno di turno duna e compromiso final “consensus” pa e Ley di Reino por inicia cu su ruta y proceso. Gerlien Croes hunto cu Mike Eman y Geoffrey Wever a hasi net lo contrario, yega na compromiso y Consensus cu Hulanda pa e proceso por cuminsa SIN bin Parlamento, SIN informa pueblo. Transparencia y Dialoga ta wordo usa den nan vocabulario pero nunca nan a cumpli cu

esaki. Esaki nos ta yama na papiamento criyoyo LADRONNAN di anochi Gerlien, Mike y Geoffrey a bende patria Aruba, bende nos autonomia barata y ta bay den historia como TRAIIDOR y ENTREGUISTA di pais Aruba.

Pa mas informacion nos ta invita pueblo dialuna 1 di september 2025 pa 730pm pa un reunion di caracter di urgencia na Cede di MEP.

MEGA
CAR SALES 2025

22 di augustus - 6 di september

On-the-Spot
Approval

0%
Downpayment

Cuminsa paga
te na maart 2026

Financiamiento
te cu 7 año*



Chens pa gana bo auto
Te na balor maximo di AWG 100.000*

Bishita bo car dealer preferi pa bo MEGA deal
*Condicinan aplicabel



Scan pa mas informacion

Arubabank

Parlamentario Rocco Tjon: UN PARO NA E PROYECTO DI EX-CODEMSA TA UN SEÑAL CLA CU MINISTER DOWERS NO KIER INVERTI DEN HUSTICIA!

Si e para e proyecto, e mester para pa e consecuencianan tambe

Ex-Codemsa ta den tapara pa bira e centro di husticia mas grandi riba nos isla. Un proyecto cu ta conta cu sosten di ful e cadena hudicial y cu ta un inversion necesario y importante. Ta bay nifica facilidadnan nobo y condicionnan di trabou moderno y nobo.

Durante un conferencia di prensa cu mi persona a duna dialuna 1 di september mi a elabora ampliamente riba tur e

documentonan cu mi a duna Minister Dowers pa loke ta e proyecto aki. E documentonan ta encera: 1) Nota di Traspaso, 2) Landsverordening 2022 riba e proyecto di cual Dowers mes a aproba e tempo ey den parlamento, 3) Bouwaanvragen, 4) Plannan di diseño, 5) Programa di exigencia di cada departamento y unidad di Husticia. 6) Publicacion di e destaho mes.

Ful e proyecto aki ta wordo carga door di e departamentonan hudicial, nos propio personal di husticia a duna nan feedback y asina a percura cu e proyecto aki no ta di Rocco Tjon of di MEP so, pero di nan, di Aruba.

Asina mes, sabiendo tur esaki, Minister Dowers ta scoge pa para e proyecto. Dicon? Segun

e paso e no a haya tur documento necesario y asina a gaña algun cos mas. Si e haci esaki, si e stop e proyecto, e mester para responsabel tambe pa e consencuencianan financiero riba e pueblo. Esaki door cu tin inversionnan haci caba door di APFA y nos por ta sigur cu esaki lo caba den corte e ora.

Pregunta cardinal ta keda, pakico en berdad sr.



Dowers ta para e proyecto aki mirando cu e ta asina avansa y ta practicamente cla pa cuminsa ehecuta e plan? Interes di ken e ta mirando aki?

MARY JOAN FOUNDATION TA LANSA SU CAMPAÑA PA COLECTA Y HAYA FONDO: META DI E CAMPAÑA TA PA JEGA NA UN SUMA DI 200.000 FLORIN

Fundacion Mary Joan Breast Cancer Support Group ta anuncia su campaña grandi pa colecta y recauda fondo durante luna di Oktober proximo. E meta ta pa jega na e suma di 200.000 florin esaki ta pa por cubri e gastonan operacional di nos proyecto pa aña 2026 cu ta e “Chequeo den bario”.

Cancer di pecho ta sigui aumenta mundialmente y Aruba den e caso aki, no ta un excepcion. Anualmente na nos isla ta constata mas o menos 110 caso nobo di cancer di pecho.

Fuera di e impacto fisico, e malesa ta trece retonan grandi riba tereno emocional y social, manera miedo y problema den relacion.

Durante e tratamiento of despues di esaki, hopi hende muhe ta haya falta di un red social fuerte. Aki ta unda cu Mary Joan Foundation tin un tarea pa yuda tur esnan concerni.

Pa por jega na e suma di 200 mil florin, ja caba nos tin algun proyectonan den ehecucion y nos ta sera den luna di Oktober cu e colecta.

Algun proyectonan nan den ehecucion

1. Deteccion tempran: Nos ta curasha pa un control mensual y screening cada seis luna. Deteccion tempran ta pone menos preshon riba e tratamiento y ta aumenta e chens pa un recuperacion total.

2. Proyecto The Pinkest Office of the Year: Negoshi y organisacion nan lo pone un buzón special pa colecta den nan oficina pa stimula donacion. E organisacion cu logra e contribucion di mas grandi ta keda eligi como The Pinkest Office of the Year.

3. Proyecto Sugar Scrub: ‘Polish Your Skin, Empower the Cause’. Nos mes di Mary Joan Foundation ta traha e sugar scrub nan aki.

Esaki nan lo ta na benta pa un suma di 25 florin. E sugar scrub nan ta bin bunita empaketa y ta ideal pa duna como un regalo.

Eganashi genera di e proyecto aki ta bay totalmente pa e programanan pa cancer di pecho.

4. 18 years anniversary: Pa nos celebracion di 18 aña di existencia Mary Joan Foundation lo organisa un Seso Sport. E actividad aki lo tuma lugar dia 26 di September proximo na Centro di Bario Playa Pabou. E Seso Sport lo cuminsa pa 7 or di anochi. Inscripcion a habri caba y e contribucion pa participacion ta 175 florin pa un mesa cu un maximo 7 persona den grupo.

5. Fin di siman pa colecta na luna di Oktober: Tur Diasabra y Diadomingo diferente organisacion, boluntario y grupo nan lo bay colecta na diferente parti nan di Aruba. Pa esaki tambe nos di Mary

Joan Foundation kier a haci un suplica na e pueblo di Aruba completo pa aporta y sostene e bon causa aki. Union ta haci forsa.

Bo sosten ta indispensable

E subsidio di 60.000 florin cu e fundacion ta ricibi anualmente pa basta tempo caba no ta cubri tur e gastonan necesario manera entre otro gastonan di psicologo, peluca oncologico, bishita na cas of hospital, charla nan na diferente compania y campaña nan di concientisacion.

Pesey nos ta pidi famianan, negoshinan, organisacionnan, asociacionnan pa durante luna di Oktober habri nan curason y contribui cu nos luna di colecta. Solamente hunto nos por promove deteccion tempran, ofrece ayudo emocional y social y realisa nos proyecto ‘Chequeo den Bario’ pa 2026Na nomber di tur nos clientenan, boluntarionan, colaboradornan y directiva di Mary Joan Foundation nos ta gradici un y tur pa nan generosidad, sosten y envolvimiento.

Pa mas informacion y inscripcion por manda un email na maryjoanfoundation@setarnet.aw of yama na 588-9999Na nomber di directiva di Mary Joan Foundation.

Parlamentario Dangui Oduber: SIN CONSULTA CU PARLAMENTO GOBIERNO E ENTREGA NOS AUTONOMIA!

Diabierna ultimo tawata un dia scur den augustus pa pais Aruba. E tema di Rijkswet tin 5 aña caba den discusion y netamente pesey tanto fraccion di MEP como fraccion di PPA a pidi un reunion publico 5 luna pasa pa Parlamento di Aruba por debati riba e tema aki. Pa nos sorpresa gobierno di Aruba a presenta diabierna ultimo den parlamento y a infoma Parlamento cu e 'rijkswet' ya ta un done deal pasobra prome cu nan a bin parlamento ya caba a manda e proposicion di e rijkswet pa Consejo di minister di reino cu consecuentemente a aproba esaki sin cu Parlamento di Aruba mes por a wak e.

Loke gobierno a haci ta anto constitucional, anti democratico y falta respet pa e organo di mas

halto na Aruba. Con por ta posibel ta "bypass" Parlamento riba un tema asina fundamental cu nos autonomia y libertad. Nos ta condena e manera di procede di gobierno di Aruba como tambe di presidente di parlamento pa schors e reunion tot nader orde. Gobierno di Aruba a traiciona nos Libertad, traiciona nos status aparte y traiciona nos autonomia.

Ora bo lesa e contenido di e rijkswet bo ta conclui cu esaki ta entrega di e yabi di gobernacion na Consejo di minister di reino. Den e rijkswet ta para cu esun cu ta 'eindverantwoordelijk' pa nos presupuesto ta e minister di Reino Hulandes y no e minister di finansa di Aruba. Nos mester corda pueblo cu e rijkswet ta un ley di Reino cu Parlamento di Aruba



NO tin derecho di vota y cu esaki tambe ta kita nos voz, e voz di pueblo y nos derecho di voto. Ta 150 miembro den Tweede Kamer na Den Haag lo vota sea na favor of contra e Rijkswet aki. Cu esaki nos autonomia y libertad di voto como Parlamento ta wordo kita!

Den e rijkswet ta poni cu ora tin cambio den e presupuesto ta Consejo di

minister di Reino lo dicidi si lo aproba cambio si of no. Ban pone den futuro gobierno kier construi un di dos aeropuerto priva na San Nicolas, NO ta nos ta dicidi esaki mas como pais sino gobierno di Hulanda. Mas condenabel ta e hecho cu e Rijkswet aki ta manera Hotel California, unabes acepta esaki nunca mas lo sali for di esaki. Un gobierno cu tin solamente 40% di e

electorado NO tin e mandato pa entrega nos libertad y autonomia. Mas pio ta e hecho cu e gobierno aki cu solamente 40% di mandato a negosha e entrega di autonomia aki cu e gobierno Hulandes cu tin solamente 32% di e electorado. E cos aki ta totalmente robes y nos NO por acepta con facil ta entrega nos libertad y autonomia.

FILOMENA COLLEGE MAVO CU INTRODUCTIEDAG '25



Como prome actividad pa aña escolar nobo tur alumno di

Filomena College MAVO na San Nicolas a bishita Community Pool. Durante e dia sigur e alumnonan nobo di Ciclo Basico 1 a haya e chens di cera conoci cu e otro alumnonan di scol. Directorado ta informa tur mayor cu e dia na Community Pool y e prome siman tras di lomba a bay bon. Tambe ta gradici tur mayor cu a deposita e confiansa den nos scol como parti di educacion di cada alumno. Fotografo ta juffrouw Joan Mahendrepersad.



SCOL PREPARATORIO SANTA JACINTA TAMBE A UNI NA E PLAN DI REFORESTACION DI ARUBA



Prome Minister mr. Mike Eman a haci un bishita na Scol Preparatorio Santa Jacinta na Dakota. Un bishita caminda a haya e oportunidad pa presenta locual e scol, cu masha orguyo ta aporta, pa asina sostene e plan di reforestacion di nos isla. Durante e introduccion, Juffrouw Emma Carrascal a comparti e plan y meta

pa cu e proyecto cu e scol tin. Lo planta mata di fruta y berdura den un area prepara especialmente pa e proyecto aki.

Den cuadro di scol saludabel, a inicia e preparacion, cu ayudo di boluntarionan y sosten grandi di Prome Minister, a fiha un meta cu pronto lo bira realidad.

Prome Minister Eman tambe a comparti algun palabra durante e bishita, y a indica riba e importancia di bishita partinan esencial di e bario, cual ta e scolnan, misanan y casnan.

Durante Accion di Bario, Prome Minister a bay dos scol, Scol Preparatorio Santa Jacinta y Pius X School, caminda a haci uzo di e oportunidad pa asina encurasha e muchanan pa mantene nan hardin y na e siguiente scol, e sosten na inicio di nan hardin cu pronto lo ta mes bunita cu esun di Pius X.

E alumnonan a regala Prome Minister Eman un mata carga cu vingerprint di un candidad di mucha. E lo haya un espacio bunita den Cocolishi y cu e mensahe di union di Scol Preparatorio Santa Jacinta

y tur su almunonan, na e plan di Reforestacion di pais Aruba.

Un scol caminda e maestro y mayor ta traha hunto na bienestar di e alumno cu amor y cariño den un ambiente familiar, sigur y placentero pa stimula e desaroyo general y descubrimiento di su talentonan aportando na formacion di un ser humano humilde cu norma y balor.

Scol Preparatorio Santa Jacinta a cuminsa na 1 januari 1960 nascol di “Onze Lieve Vrouw van Fatima” awor conoci como Fatima College. E scol a conta cu 100 alumno bou guia di Zuster Dorotea v/d Helm como cabesante. Na maart 1960 a cuminsa cu e construccion di e kleuterschool cu a habri oficialmente dia 20 april

1961, bou di nomber Jacinta Kleuterschool.

E scol tabata consisti di 4 klas y tabatin un total di 129 alumno. E cabesante tabata Zuster Walfrida Roovers. Riba 20 di April 2021 a cambia e nomber di scol pa ‘Scol Preparatorio Santa Jacinta’ na honor di Jacinta Marto cu a ser declara santo y ta patrona di e scol. Santa Jacinta ta un scol catolico cu ta resorta bou di Stichting Katholiek Onderwijs Aruba (SKOA).

Ta di admira e dedicaion y alegria cu ta resalta cerca cada docente, como tambe cada alumno cu e proyecto di planta mata, cual ta un estimulo grandi pa continua cu e meta di e 100 mil mata rond Aruba.

POST TANGO A PRESENTA NAN "LADDERWAGEN" NOBO



Diabierna mainta, Minister di Husticia mr. drs. Arthur Dowers a haci un bishita di trabao na Post Tango, cu ta e post principal di Brandweer situa na Tanki Flip. Aki Minister Dowers a topa cu e comandante di Brandweer Sr. de Haas y a haya un recorrido den e facilidadnan di di e departamento

vital aki. E mandatario di Husticia a haya un presentacion detaya di e central di yamadan di 911 cu ta atende casonan di emergencia pa tanto Brandweer como servicio di Ambulance.

Despues di e recorrido aki, a tuma lugu un ceremonia special caminda

cu den presencia di invitadonan, e mandatario di husticia a haci entrega di e certificado di "Bediener Autoladder AL-01 na 7 bombero cu ta na warda. Un total di 30 bombero a completa e curso como bediener di autoladder y a ricibi nan certificado.

Unabes cu a haci entrega di e certificadonan, Minister di Husticia a yama central di Brandweer y meld cu mester e ladderwagen nobo. Den apenas algun seconde e ladderwagen a yega bao sirena y a duna un demostracion na e invitadonan presente.

E ladderwagen a yega algun luna atras, pero mester a keda modifica pa nos clima, mirando cu e truck



ta fabrica na Europa. Despues di algun reto tecnico chikito, awe a ladderwagen ta operacional y cla pa cualkier eventualidad. E truck aki no solamente ta ideal pa combati candela for di un punto mas eleva, pero tambe pa yuda evacua personanan cu por baha via e trapi y drumi riba un brancard.

UN PASO MAS PA COMBATI POBRESA: BISHITA DI MINISTER DI SALUBRIDAD Y ASUNTONAN SOCIAL NA FUNDACION PA NOS COMUNIDAD (FPNC)



Diahuebs 28 di augustus, Minister di Salubridad, Asuntonan Social, Cuido di Adulto Mayor y Maneho di Adiccion, Mervin Wyatt-Ras, a bishita Fundacion Pa Nos Comunidad (FPNC) pa reconoce y aprecia e labor significativo cu e fundacion ta haci den combati pobreza y brinda apoyo na famianan vulnerabel na Aruba. Funda na 2009, FPNC ta e unico

banco oficial di cuminda na Aruba y ta asisti aproximadamente 350 famia cada luna. Mayoria miembro di su team ta traha a base boluntario, dedicando nan esfuerzo pa yuda tur esnan cu ta pasando un momento dificil, incluyendo proveedor di cuminda, paña, y meubels.

Den colaboracion cu mas cu 40 instancianan, FPNC ta enfoca su labor riba:

- Alivia hamber y distribucion di paketenan di cuminda (maandpakket, hulppakket y pakete di emergencia)
- Ayudo structural contra pobreza
- Re-integracion di grupo vulnerabel den comunidad
- Ayudo humanitario cu



respet pa derecho universal. Ademas, FPNC ta organisa varios proyectonan anual pa yuda famianan den necesidad:

- Back 2 School (+/- 200 hoben)
- Mealpackage
- Cumpleaño Contento (+/- 450 hoben)
- Comparti felicidad cu aginaldo di bon voluntad
- Participatietraject

Minister Wyatt-Ras ta aprecia e trabou incansabel di FPNC y a percura pa pasa un amienda pa FPNC por ricibi AWG 450,000 pa sigui sostene e trabou vital cu nan ta haci pa nos comunidad.

Minister Wyatt-Ras ta reafirma su compromiso pa sigui traha hunto cu FPNC y otro instancianan relevante pa garantisa un Aruba mas sostenibel, inclusivo y solidario.

Minister Wyatt-Ras:

ARUBA TA CELEBRA 65 AÑA DI AOV

un aniversario significativo den nos historia social



Dilanti di Bestuurskantoor, a tuma luga un ceremonia special pa honra e 65 aña di existencia di AOV (Algemene Ouderdomsverzekering). E ceremonia a reuni ministernan, invitadonan, empleadonan di SVb y comunidad, mientras cu director di SVb, sr. Edwin

Jacobs, hunto cu Prome Minister Mike Eman y Minister Mervin Wyatt-Ras a desvela un borchí pa marca e aniversario significativo aki. AOV ta un pilar fundamental den nos sistema social, cu ta brinda seguridad, estabilidad y dignidad na nos adulto

mayor. Durante e ceremonia, Minister di Salubridad, Asuntonan Social, Cuido di Adulto Mayor y Maneho di Adiccion, Mervin Wyatt-Ras, a resalta e importancia di AOV como un simbolo di gratitud y respet pa nos grandinan, cu a traha duro pa lanta nos pais. "AOV ta mas cu un pensioen. Ta un acto di gratitud, di respet y di

husticia. E adulto mayor a traha duro pa lanta nos pais. E ora a yega pa nos sigui brindanan e sosten cu nan merece.

Nos ministerio ta compromete pa sigui fortalece e base legal y financiero di e sistema, pa cu e por sigui sirbi futuro generacionnan cu mes un dignidad," segun e Minister.

E 65 aña di AOV ta

testamento di con un ley cu a nace for di e necesidad pa proteha esnan mas vulnerabel, por crece y adapta pa sigui duna proteccion social cu balor na tur generacion. Minister Wyatt-Ras a felicita tur adulto mayor cu ta disfruta di su derecho social y a gradici tur hende cu a contribui den lanta y fortalece e sistema, asegurando un futuro mas sigur pa nos comunidad.




Fundacion “E PODER DEN MI” cu E Bruha, Bruhá



Specialmente pa su miembronan e fundacion “E Poder den Mi” bou direccion di Geraldine Laclé a tene un anochi di recaudamento di

fondo na cas di Ruben Croes na Sero Pita. Actualmente Desiree Croes ta ocupa cu e filmacion di E Bruha, Bruha 2 y special pa esaki

a tene e anochi aki. Despues cu 3 luna pasa, mas cu 1400 persona a mira e pelicula E Bruha, Bruhá den cinemanan local, un biaha mas a present’e na e miembronan. E storia ta di tres hende muhe Arubano cu ta lucha contra e desaroyo di turismo riba nos naturalesa den nos Parke nacional. Bou di e cielo yena cu strea e fundacion a presenta e pelicula di Desiree Croes di 2025 y e publico por a disfruta di un anochi bunita den naturalesa compaña pa nan popcorn y cos di bebe. Tanto Ruben Croes, Geraldine Laclé di fundacion “E Poder den Mi”, Desiree Croes como Addonsito Croes a hiba palabra gradiciendo tur presente pa nan apoyo incondicional na e causa bunita aki. Pa esnan cu no a mira e pelicula, Berea Productions ta planea pa



pas’e atrobe prome cu e bay na e competencia di Krioyo Film Festival 2025 na Corsou y Amsterdam.

Minister Geoffrey Wever:

Aruba oficialmente miembro di coalicion internacional pa finansa climatico

Oranjestad, 19 di augustus – Cambio climatico ta impactando mundo henter. Paisnan cada vez ta sinti esaki severo, mientras científiconan ta indica cu e situacion ta empeorando. Expertonan financiero y economistanan ta di acuerdo cu e clima nobo lo tin impacto severo pa economia global.

Durante su bishita na april na e Spring Meetings di IMF y World Bank na Washington D.C., Minister Geoffrey Wever a haci un apelacion pa Aruba wordo admiti den e coalicion mundial cu IMF y World Bank Group den cual ministronan di finanzas ta bin hunto cu meta pa prepara nan paisnan pa atende cu inversionnan cuantioso cu lo bira necesario pa motibo di cambio climatico. Esaki ta yama Coalition of Finance Ministers for Climate Action (CFMCA).

“Nos no por keda na banda y sigi warda otronan busca solucion pa nos. E cambianan ta real y inevitable. Nos mester prepara nos mes,” minister Wever a bisa. Clima no ta haci distincion entre sector priva y sector publico. Pa e motibo aki IMF y World Bank Group a crea un plataforma importante asina pa ministronan di finanzas.

Na April Aruba a wordo acepta solamente como miembro observador pa motibo den Reino ta Hulanda ta e pais cu tin representacion den IMF. “Aunke miembro observador ta un bon comienso nos a keda

insisti cu Aruba como isla vulnerable no por ta un simpel observador. Nos como isla mester participacion activo den e dialogo global. Paisnan rond mundo ta preparando nan mes pa haci inversionnan substancial pa protehe nan infraestructura y nan economia contra cambio climatico”, segun minister a comenta. Aruba no por laga otronan dicidi pa nos.

Siman pasa Gobierno a ricibi confirmacion cu tur otro e ministronan di finanzas di e coalicion a bay di acuerdo pa admiti Aruba como miembro oficial. Aruba lo ta e prome isla miembro di CFMCA apesar cu nos ta un miembro indirecto di IMF/WBG. “Esaki ta un paso grandi pa nos isla, pero cu esaki Aruba ta inspira hopi otro islanan rond mundo cu tambe ta buscando un oportunidad pa expresa nan mes den instancianan internacional,” Minister Wever a declara.

Den coalicion cu ministronan di finanzas di otro paisnan nos por aumenta nos capacidad pa defende nos posicion pasobra nos por siña di loke ta traha pa otro paisnan,” Minister Wever a declara.

E temanan central tabata relaciona cu necesidad urgente pa fortalece resiliencia economico y social mundial den un contexto di inestabilidad economico y cambio climatico creciente.

Clima y economia ta interdependiente, y nos ta preparando un plataforma pa nos comunidad por tuma decision cu mas responsabilidad y impacto, y den amplio dialogo cu tur stakeholders,” Minister Wever a enfatisa.

“Clima y economia no ta separa – nan ta interconecta.

Aliniacion cu e vision di AVP-Futuro

E paso ta reforza e compromiso di Gabinete AVP-Futuro pa integra sostenibilidad den maneho economico y finansa publico. Aruba ya firma tratado internacional pa proteccion ambiental, y e miembrecia den CFMCA ta amplia nos capacidad pa implementa un politica di “green budgeting” cu impacto real.

Aruba lo ta activo den dos trayecto den CFMCA. E prome trayecto ta dirigi pa stimula inclusion di temanan climatico den procesonan di planning, presupuesto y inversion di Gobierno. E segundo trayecto tin como meta pa facilita y stimula inversion priva den proyectonan climatico. Manera menciona, cambio climatico ta bay afecta tur sector, inclusive gobierno, sector financiero, sector primario, construccion, turismo. Ademá di esaki Aruba ta participa den otro ‘advocacy’ groups y e esfuerzo nacional ta wordo coordina via NCRC, National Climate Resilience Council.

“”Nos ta trahando un fundeshi fuerte.



Clima y economia ta interdependiente, y pesey nos ta busca e conocimiento y plataforma pa hunto nos por tuma decisionnan cu mas responsabilidad y den amplio dialogo cu henter nos comunidad,” Minister Wever a enfatisa. Aruba lo sigui traha hunto cu IMF, y CFMCA pa mira si miembrecia completo ta posibel. Nos economia sostenibel mester ta resiliente y pa esey nos

mester raha riba finanzas responsabel..

Minister Wever, ta gradici tur instancia cu a yuda Aruba den e esfuerzo pa logra miembrecia y den esaki no por keda sin menciona un asistencia sublime di parti di representantenan di Ministerio di Finanzas di Hulanda, ministerio di Asuntonan Exterior di Hulanda, y tambe e secretariado di CFMCA.

Clasificados





SOLODIPUEBLO@GMAIL.COM
CEL. 585 9500





Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - September 01, 2025



Sorteo # 4729

3196

5321

0646

 X3

 4

Sorteo # 4729

7233

 FP

 DFF

Sorteo # 2785

7246

 ZODIAC

Sorteo # 4729

2980

Cancer

 3

Sorteo # 1603

597

 FP



Sorteo #

0 x Jackpot

0 x Match 4+

0 x Match 4

0 x Afl. 12,00

Joker

Letter

Proximo Jackpot

525.000,-



Sorteo #

0 x Jackpot

0 x Match 4

0 x Afl. 8,00

Proximo Jackpot

53.000,-



Sorteo #

0 x Jackpot

0 x match 4

0 x Afl. 500,00

0 x Afl. 50,00

0 x Afl. 15,00

Mega Ball

Proximo Jackpot

875.000,-

Afl. 1.325.000,-



Sorteo #



SUDOKU

					7			9
3			2				7	6
	5	6	8	4				
		2	9				3	
			7				1	
	4				8			
5		3		8		1		
								8
2	9							

Sudoku # 1022

	7		4				5	
3			7					
6		4				8		
8						2		
	3						4	6
9		7			6			8
2					4	1		
		5			8		3	
				2	7			

Sudoku # 1023

		1					6	
	4		9					2
				7	3	4		
1			3			7	5	
	3				2			9
5	9		1		6			
8				6			3	
			5	9				1
					4			

SOPÍ DI LETRANAN

ARBUSTO
BANCO
CARRETILLA
ESTANQUE
FLORES
FUENTE
INVERNADERO
MANGUERA
PALA
PARTERRE
PLANTAS
SETO
TIJERAS


Z	M	A	N	G	U	E	R	A	M	I	N	W	B
E	T	V	E	U	Q	N	A	T	S	E	Y	O	R
R	E	M	F	U	E	F	B	A	B	A	N	C	O
R	X	X	A	L	A	P	G	O	U	Q	A	D	R
E	O	R	E	D	A	N	R	E	V	N	I	E	N
T	C	A	R	R	E	T	I	L	L	A	O	C	K
R	W	J	X	W	O	S	S	E	R	O	L	F	W
A	K	V	D	S	A	T	A	T	H	W	T	Y	D
P	O	A	D	T	P	F	S	E	R	I	E	B	S
Y	O	T	N	W	U	V	Y	U	J	B	R	K	Z
P	T	A	E	E	Q	W	W	E	B	H	J	R	E
U	L	E	N	S	G	U	R	M	T	R	C	Z	R
P	A	T	Y	K	K	A	G	U	Q	Z	A	I	Z
P	E	X	B	B	S	P	T	R	C	I	G	D	V

COMITE OLIMPICO INTERNACIONAL APORTANDO CU RECURSONAN PA APOYA E SOÑO OLIMPICO



Atletanan di #TeamARU ta firma contracto pa un Beca Olimpico pa 2025-2028

Diaberna ultimo 7 atleta di #TeamARU sea na COA mes of den exterior unda nan ta pa por entrena, a firma un documento hopi special unda nan ta bay di acuerdo pa asina ricibi un Beca Olimpico. E beca aki cu ta bin atraves di Solidaridad Olimpico lo yuda nan cu fondonan cu lo cubri tur tipo di gasto relata cu entrenamiento y nan deporte, pa asina nan por concentra riba e meta final; clasificacion pa weganan Olimpico LA2028. E 7 atletanan cu lo ricibi un Beca pa e Ciclo Olimpico aki ta; Ethan Westera – Olympic Windsurf



Kaj Rozeboom - Olympic Windsurf
Zara Rozeboom - Olympic Windsurf
Mikel Schreuders - Landamento
Patrick Groters - Landamento
Chloe Farro - Landamento

Maelynn Fradl - Taekwondo Kyorugi
Comite Olimpico Arubano ta felicita e 7 atletanan aki, cu a traha hopi duro durante e ultimo añanan cu bon resultado deportivo cu awe ta duna nan e oportunidad di ricibi e beca aki. #TEAMARU



FORTALEZA PA FAMIA

Scirbi pa Pastor Marcel Balootje.

UN BIDA NOBO DEN SENJOR

Si nos nota algo tremendo, cu a pasa, nos ta keda boca habri, cu nunca ora Hesus tabata yama un hende e no tabata wak e situacion cu e persona tabata aden. Ora E tabata yama su disipulonan e tabata djis bisa nan sigi Mi, y e no tabata bisa nan bo tin algo di drecha, of bo tin algo cu no ta bon, pasobra Hesus tabata sa cu una bes nan sigi E nan bida lo cambia.

Hende no por cambia nada den nan bida, solamente Dios por haci cambio pa nos, pesey e ta bisa den Mateo 11:28 : Bin cerca mi tur cu ta cansa y carga y lo Mi duna boso sosiego.

E no ta wak bo picanan, ni si bo ta rico of pober, gordo of flaco, tampoco rasa of color, tur hende ta bon bini cerca Esun cu tin e poder pa cambia curason y bida di hende.

Awendia pa bo drenta cierto organisacion, ta wordo existi, cierto adaptacion den bo bida pa bo bira miembro. Cerca nos Señor Cristo Hesus, no tin condicion, pasobra tur esnan cu yega cerca dj'E tin bida nobo.

Ta mas bunita ora nos lesa locual tin para scirbi den 2 Corintionan 5:17 : Pesey si un hende ta den Cristo, ta un criatura nobo e ta , e cosnan bieu a pasa caba, ata tur cos a bira nobo.

Tur e cosnan cu tabata causa stress, preocupacion, depresion, dolor di cabes, presion halto a pasa pasobra den Cristo Hesus tin bida nobo, ta E so por haci e cambio cu nos no por haci.

2 Corintionan 5 ;19 ta bisa cu nos: Esta cu Dios den Cristo tabata reconciliando e mundo cu Su mes sin tumanan pica nan na cuenta, y E a encarga nos cu e palabra di reconciliacion.

Pica di un hende no ta obstaculo, pa e keda sin

entrega su bida na Cristo Hesus.

Diabel semper lo keda gaña hende cu nan no ta bon, cu hende lo papia riba nan.

Pero Dios den su inmenso amor ta habri su brasan pa tur esnan cu kier bini cerca dj'E.

Ora Hesus tabata riba crus y cu e criminal a bise, Señor corda riba mi ora bo drenta bo reino, Hesus a contesta, awe mes lo bo ta hunto cu Mi . Hesus no ta haci ningun pregunta na e homber pakico bo tambe ta riba crus, pero asina cu e homber a reconoce cu Hesus no tin falta di nada, ta suficiente pa Hesus tuma Su decision, pasobra e homber a demostra cu e ta arepentí.

Nos ta bibando den tempo den cual scuridad ta halando hende na boshi, hopi ta kere cu nan bida no por cambia, y cu nan tin di keda manera nan ta, pero hopi no ta altura, cu nan mes no por cambia nada den nan bida, ta solamente un bida nobo den Cristo Hesus ta un bida cambia.

No ta hende a reconcilia cu Dios, pero ta Dios a reconcilia cu hende, no tumando na cuenta nan pica,(2 Corintionan 5:19) pasobra pica ta un ofensa pa Dios, pero Dios den su inmenso misericordia, no ta wak esey pasobra nos salvacion ta mas importante cu nos pica. Pasobra pica ta hiba hende fierno, pero salvacion den Cristo Hesus ta hiba nos tur na Bida Eterna.

Si Cristo Hesus no cambia nos bida, ta ken por cambie? E a muri na crus pa pordon di nos picanan, pa asina haci posibel pa nos tin bida eterna y cu nos tin entrada na cielo, cerca Tata.

Sinceramente, Pastor Marcel Balootje.

A fayece cristianamente



ZELDA MIRIAM STEENEN

Su mama stima: Magda Ramona Steenen

Su partner: Godfried Lampe

Mescos yiu: Brainer Lampe, Dianne Croes y Cyanne Petrocchi

Su primo-y primanan: Raquel Muyale y yiu Rocky Donker Randolph, Jessy Wiersma Sneek y yiu nan Jesra y Win Xuan, Jasmira Wiersma Maghalia Steenen, Sharine Steenen y yiunan na Hulanda, Elaine Gietel

Eddy Gietel, Astrid Gietel, Ingrid Does-Gietel, Iris Gietel

Debbie Arendsz-Gietel, Maritza Sillie, Rugia Sillie, Valerie Adonis

Su amor chikito: Naemy Su acto primo y primanan: Erik Steenen, Tito Wagib Thiel, Eva Suyen Thiel, Kassidy y Enoch Steenen

Su rumannan: Lisette Mohamed, Edmond Adonis, Gina Adonis

Mama di su rumannan: Keta Adonis

Iha nan: Markwin – Faridi – John – Jessica

Amigo nan di cas stima: Eileen y Win Snijders Yola Snijders y mescos cu subrina Jealdyne Yarzagaray Elvis Gomez

Su gruponan: Karaoke, The Scrapping B’sss, Grupo di oracion, Girlsz, Animachis, Serenity, Class of Tur otro amiga y amigo bisinja y conocir nan.

Demas Famia: Steenen, Lampe, Muyale, Wiersma, Adonis, Gietel, Snijders, Sneek, Dania, Herts, Comenencia, Rafael y Quandus

Un suplica pa bisti color nan alegre pa asina nos celebra Zess su bida.

Enves di flor of krans, un donacion pa Wilhelmina Kankerfonds lo ta altamente aprecia.

Ta invita pa acto di despedida cual lo tuma lugar na Misa Birgen di Fatima Dakota, Diahuebs 4 di September 2025, di 1’or pa 4’or di atardi.

Cremacion lo tuma lugar despues den seno familiar.

Nos ta lamenta cu despues di despedida nos no ta ricibi bishita di condolencia na cas.

E defunto mes a traha e anuncio aki

FORTALEZA PA FAMIA

Scirbi pa Pastor Marcel Balootje.

REBELDIA TA UN ESCOGENCIA Y NO UN PROCESO

Rebeldia ta ora un persona, ta scohe pa boluntariamente bay contra ley y Dios Su autoridad y instruccion.

Den 2 Timoteo 3:1-5 Pablo ta papia di tempo trabahoso, con hende su karakter lo cambia, y tur esey ta rebeldia contra Dios.

Rebeldia ta hiba hende na perdida, pasobra ningun hende cu lanta contra Dios y su principionan a gana e bataya, pasobra Dios ta Todopoderoso.

Awendia nos ta mira hende ta haci hopi, cos di rebeldia, cu aprobacion di leynan terenal, pero nada di esey no ta pone cu nan por surpasa boluntad y principio di Dios.

Si un mucha ta rebelde

contra su mayornan, y tin otro famia, of bisinja, of amigonan ta apoye den su maldad, nan ta complice pa su destruccion segun Efesionan 6:1-4.

Si un homber/muher ta comete adulterio y su amistadnan ta apoye, nan ta forma parti di su destruccion, pasobra nan no stime, nan no kier mire bon. (1 Corintionan 6:12-20).

Tur esnan cu ta cana y biba den obranan di carni segun Galationan 5:19-21 ta cana den rebeldia, pesey e palabra di Dios ta bisa cu nan lo no hereda e reino di Dios.

Tur esnan cu ta cana den inhusticia segun 1 Corintionan 6:9 ta cana den

rebeldia contra Dios y lo no hereda e reino di Dios.

Aki no tin cuenta di hulgamento, ta asunto di bisa un hende e berdad, y e berdad lo hacie liber.

Palabra di Dios ta bisa; No ganja boso mes, Dios no ta laga haci bofon di dj'E, pasobra loke un hende sembra, esaki tambe e lo cosecha.(Galationan 6:7).

Hopi biaha hobennan ta den rebeldia, di droga, alcohol, trip riba caya tur dia, no ta honra nan mayor, no kier

sinja na scol, no kier haci nada den cas, y ta pensa cu e cos ta duel nan mayor, y nan ta lubida cu ta den rebeldia contra Dios nan ta, y ora cos ta bay malo cu nan , nan kier rabia tambe.

Un homber cu tin trabao, cu tin placa, y no ta cria su yiunan ta den rebeldia, e ta pio cu un pagano, pasobra e ta ninga di cumpli cu su deber dilanti di Dios y hende.

Un persona cu no kier perdona su prohimo, ta den rebeldia, pasobra palabra di Dios ta bisa, cu si nos no perdona nos prohimo, Dios tampoco ta perdona nos, y falta di pordon por hiba hasta na perdida di nos libertad of mas doloroso ainda por causa bida di hende.

Ta tempo pa hende para keto un rato y pensa te na unda nan kier yega cu nan rebeldia (1 Samuel 15:23) pasobra rebeldia contra Dios ta amistad cu diabel,

ta porta habri pa malicia y scuridad.

Ora un hende ta crece spiritualmente , e ta pasa den un proceso di crecimiento, pasobra ta Dios purbando su curason pa e ta fiel den cosnan di Dios.

Hasta ora hende kier logra un puesto na su trabao, e ta pasa den un proceso, den cual e tin di sinja su trabao bon, pa e ta capacita.

Pero ora un hende mes ta hincasucurpadenproblema, y ta rebeldia contra palabra, principio, y mandamento di Dios, e persona ey ta rebelde pasobra boluntariamente e a scohe pa haci esey.

Mayornan cu ta rebelde, ta contamina cas cu rebeldia, y despues kier tira e falta riba e yiunan, pero si un mayor no ta biba di acuerdo cu e palabra di Dios e mes ta sembra rebeldia den cas.

Den rebeldia no tin ningun beneficio.

Drenta su portanan cu gradicimento, drencia su tempel cu cantica di alabansa, glorific'e, bendiciona su Nomer.

Salmo 100:4

Nos ta anuncia fayecimento di




Emiliano Dirksen

Mihor conoci como:" Papitpo of Emi"

*12-11-1941 - †29-08-2025

Acto di entierro lo wordo anuncia despues.



Oracion di dia

Un dia fructifero y cu e luz di Cristo por briya den cada un di nos

" ... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconece nos faltanan. Nos por ta manera e fariseo hulgando otro y halsando su mes of manera e cobrado di belasting ta reconece su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otro nan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otro nan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa boluntad.

Amen.